



Broj: 143-12/18
Sarajevo, 12.12.2018. godine

Predmet: Zaključci Centralnog odbora Sindikata Univerziteta u Sarajevu

Centralni odbor Sindikata UNSA donio je na sjednici, održanoj 10.12.2018. godine, sljedeće zaključke:

- Tražimo od zastupnika u Skupštini Kantona Sarajevo da se prioritarno pristupi usvajanju budžeta Kantona Sarajevo za 2019. godinu.
- Neusvajanje budžeta do 31.12.2018. godine može imati ozbiljne i nesagledive posljedice za normalno funkcioniranje nastavnog i naučnog procesa, narušavanje radno-pravnog status uposlenika na Univerzitetu u Sarajevu, te ugrožavanje svih pozitivnih integracijskih procesa definiranih Zakonom o visokom obrazovanju KS. Skrećemo pažnju, da je Vlada KS ponovo uputila u skupštinsku proceduru Nacrt budžeta KS za 2019. godinu, dana 23.11.2018. godine, a koji će se naći na dnevnom redu sljedeće sjednice, koja se održava 19.12.2018. godine.
- Ukoliko se do pomenutog datuma ne usvoji budžet Kantona Sarajevo, Sindikat UNSA će od mjeseca januara započeti djelovati putem štrajkova upozorenja na organizacionim jedinicama UNSA, svakog ponedjeljka od 11:55-12:55h, pa sve do ispunjenja svih zahtjeva proizašlih iz odredbi važećeg Kolektivnog ugovora za djelatnost visokog obrazovanja i nauke na Univerzitetu u Sarajevu.
- Od Vlade KS tražimo da, u skladu sa Zakonom, sankcionira sve odgovorne osobe koje nisu osigurale pravovremeno donošenje svih provedbenih akata, koji su u direktnoj vezi sa implementacijom kolektivnog ugovora, te tim radnjama i postupcima direktno ugrozili integraciju Univerziteta u Sarajevu, kao i značajno poboljšanje materijalnog statusa i pravne sigurnosti svih uposlenika na Univerzitetu u Sarajevu.
- Sindikat Univerziteta u Sarajevo, kao jedan od potpisnika Kolektivnog ugovora za djelatnost visokog obrazovanja i nauke na Univerzitetu u Sarajevu, će poduzeti sve potrebne pravne radnje i postupke kako bi zaštitio prava uposlenika Univerziteta u Sarajevu, zagwarantirana navedenim Kolektivnim ugovorom i Zakonom o radu FBiH. Isplate plaća na Univerzitetu u Sarajevu od mjeseca januara 2019. godine će se isplaćivati isključivo po Kolektivnom ugovoru, te će svaki pokušaj onemogućavanja njegove dosljedne primjene, u smislu prekoračenja vremenskih rokova ili kršenja odredbi ovog ugovora, rezultirati pokretanjem postupaka pred nadležnim sudom.
- U slučaju pokušaja opstrukcije primjene Kolektivnog ugovora u isplati plaća uposlenicima Univerziteta u Sarajevu, na način da se plaća za mjesec januar 2019. godine ne isplati u skladu sa Kolektivnim ugovorom, Sindikat Univerziteta u Sarajevu će, osim pokretanje tužbe protiv Vlade KS, organizirati i generalni štrajk 4.03.2019. godine u 10 sati ispred zgrade Vlade KS. Štrajk će trajati sve do ispunjenja sindikalnih zahtjeva u skladu sa odredbama Kolektivnog ugovora.



Univerzitet u Sarajevu
Sindikata Univerziteta u Sarajevu
Vilsonovo šetaliste 9
71000 Sarajevo
Bosna i Hercegovina

Telefon: ++ 387 33 729 860
Fax: ++ 387 33 653 055
Web strana: www.sunsa.ba
e-mail: sindikata@sunsa.ba i
sindikata_unsa@mef.unsa.ba

- Na kraju, Sindikat Univerziteta u Sarajevu još jedanput apelira na zastupnike Skupštine Kantona Sarajevo, da shvate ozbiljnost trenutne situacije i važnost da se u što je moguće kraćem roku usvoji budžet KS za 2019. godinu, kako se ne bi dovelo u pitanje normalno funkcioniranje Univerziteta u Sarajevu i narušavanje radno-pravnog statusa njegovih uposlenika.

Predsjednik Sindikata Univerziteta u Sarajevu

Red.prof.dr.sc. Jasmin Velagić